


БОРИС ХАНУКАЕВ

Чмид



БОРИС ХАНУКАЕВ

ЧИЧУД



СТИХИГЬО

Дагестанское книжное издательство
Махачкала 1989

Ханукаев Б. М.

Х 19 Имид: Стихигъо.—Махачкала:
Даг. кн. изд-во, 1989—36 с.
Надежда. Стихи на тат. языке.

Э сүйфдеи сборник жовоне шогъир тати Борис Ханукаев дешенде оморет стихигъо э товун гьей-могъоине девр, гирошдетгъо торихлуве гъозиегъо, э товун гъузетлуве жофой одомигъой совети, сабур ве хъёменди, номус ве сигъде дусди энугъо ве гъемчун э товун кими кемсүйгъо.

Те имогъой стихигъой Борис Ханукаев дефус зере оморебиругут э альманахгъой тати ве э коллективни сборник шогъиргъой тати «Ригаз чушме».

ББК 84 Тат.

X 4702570200—186
M 123—89 62—89 © Дагкнигоиздат, 1989 г.

ПУШОЙГОФИ

И сувьфдеи киниги эн жогъиле шогъир тати Борис Ханукаев. Э эпиграф э кин эн еки эз стихотворениегъой хуышде у нульвуюсди ижирие гоффгъой эн шогъир урусире, декабристе В. Одоевскире: «Гъэлем хуб нис нульвуюсде, нульвуюсдегор э мерекемдеки недекуърдге екем семе эз хун хушде». И гоффгъой шогъир шогъоди доренүйт эзу товуне, ки хубе, верзирение произведение е эн проза, енебуге поэзия нульвуюсдеи асанте кор нисди. У эз одоми талаб сохдени неки биреи уре талант, гъемчун данани, усдоети, э угъоревоз э еки — лап омбаре ве келе жофо, зэхъмет кеширеи эри уре нульвуюсдеи.

Эзи стихигъой эн Борис Ханукаев, дарафдетгъо э и сборник, иму эдее диреним, ки у боворинлув бирмунде хуышдере э и эпиграф овурде оморетгъо гъэгъигъэте, расде гоффгъой эн шогъир.

Э е чуыкле пушойгофи минкин нисди эри екем семе томомлуве жире гуфдире э товун э и киниг дешенде оморетгъо стихигъой эн автор. Оммо кутэхъэ жире мугуюм, ки угъоре нульвуюсди эз расдии фегъимлуве, божоренлуве

шоғыр, комики дануьсдени э художественни
жире дире, бинуыш доре зиндегуни, дивэгIгъо,
хосиетгъо, чигъретгъой э иловлей эну гыис-
дүйтгъо одомигъоре, чигъоре, гъозце гъоре, ги-
ровунде у нувуьсдэгъой хуьшдере эз лугъон-
ди дуыл ве фикир хуьшде, дануьсдени жугъоб-
дори хуьшдере э пушой хундегоргъой хуьшде.

Ме, гъелбет, нисе гуфдиренүм, ки гъеме э
и сборник дарафдетгъо стихигъой эн жогыиле
шоғыр гье е жире лап хубут эз тараф худо-
жественни бемзерлууи, усдоети ве зугъун. Ом-
мо ме э боворониревоз гуфдире мидануым, ки
омбардеки эни стихигъо, дешенде оморетгъо
э сүйфдеи киниг эну, шоғыоди доренуыт, ки э
литературай тати омори тозе, гъэгъигъэтиш та-
лантулье шоғыр.

И сүйфдеи сборник хуьшдере Борис Хану-
каев нум нори э гъосут ве тевзуульревоз
«Имид». Меш имид сохденуым, ки жогыиле
шоғыр, омбардеки зиндегуни комики гъеле э
пушо дери, зевер сохде хундэи, данани, худо-
жественни ве шоғырие усдоети хуьшдере,
мидуу хундегоргъоймуре тозе ве диеш хубе,
верзирение шоғыригъой хуьшдере.

Хыизгъил АВШАЛУМОВ,
верзуышлыуе корсох культуры РСФСР
ве ДАССР, лауреат эн премией э нум
С. Стальский.

ЛИРИКА

ЭРИ ХЭЛГЬМЕ

Гъэлем шогьирире гирдем ме э дес.
Жон хэлгъме, туль гуш дор э эшгъльуе сес.

ХэлгIэт эн гоффьойме селт нисдгеш Гошир,
Темизи э гъенг эн деде доре шир.

Фикиртуль шев — руз гье э дульме дерi,
Эзу гүнжуюнде оморе шогьири.

Угьоре тек-тек, чуын гульгъо, ме вихдем,
Дестон эз угъо, чуын десде, гүнжуюндем.

Дестон э пушойтуни изму хъозур.
Фикир де э дуль: хъэз миёв ми эзу?

Мубу ми е бенд ю, е риз семе тек
Эри овлодгъойтуль шори ве кумек?

ЧЕШМЕ

Шогьириме эз туль сер гирди, жон дедей,
Селт нехэбереки е руз васали.
У мэгIинире хунденге, туль Гэрс рихундей:
Шор биребири туль, жон дедей, эз дуль.

У мэгІни селт бемзэр бу э нувуьсдэгөр,
Э недане ве поке куклей школеи.
Чуь вебу унжиге, мерасуь хундегор:
Фикиргъо, войгегьо, ниетгъой гІэили.

Нувуьсдебирум ме э товун биёвгьо,
Ки келе мибошум ме ве хуб гъувотлув,
Ки бебере, эз жой сэхд пиён биёвгьо,
Нигъилув — тууре кую э гъенг эн делув.

Ме келе мибошум, мибошум пегъливу.
Увэхди гъер гІожиз мизигъув э динжи.
Сурулгъоре мидувум гүнжолуве диву
Ве мэгІлувум мибошум, чуын игид эн хэлгъи.

Гъеймогъой вэхд мерди — келei омори.
Е войге мере изму динжи нис доре:
Ебойгеш, жон дедей, ужуур гІэрс эн шори
Рихуни, э софи эн мэгІниме гууре.

Э СЕГЬНЕЙ ГЬЕМИШЕИ

*Эри сүүфдеи драматург тати
Юно Семенов*

Театр бу эшгъ ве гІульом эн ишму.
Ишмуки — гІульом эн театр иму.
Ульувум э сегъне, чуын кубуте булути,
Ишму, чуын чушме, э тирак эн асму.

ИМИД

Эри Мария Волконская,
жен декабрист

Зимисду сурули. Бирэхьми зимисду.
Чувн човуч, кулок эдэй гъуль додоре.
Э четине рэхь дери ивэхд тув:
Руй эн Гээзизире воисде дире.

Зимисду сурули. Бирэхьми зимисду.
Дув тике жилиде хуноют ловгью.
Эз чолгвой верфи, эз кирише тув
Эдее гирошде, чувн эз рэхь довгю.

Зимисду сурули. Бирэхьми зимисду.
Чувн мар э парталтүү дарафди бее.
Хъэрекети у расуу тейте дувл,
Уре воисде имидтууре күшде.

Ниведиров! Нэг! Чувни зимисду
Э пушой сигъде имид ве мульбет?
Угью сохдет герм дультууре ве тув
Э кин Гээзизитууре миёй саламет!

МУГЬУМ ЭН ДУҮЛ

Эри Сергей Рахманинов

Э эвреи тув недануусдэй оморе,
Э гъэл Ватан, чувн сигъде кук, диromоре.
Хъэроте дувл эри эну тув нульвуусдэй,
Гульмууртууре э дердевоз варасундэй.

Селт гье мугъумтууре гыисд чигърет Урусиет,
Эже эй вогошде тув гье сохдей ниет.

Э гъэриби мундейгеш, чүн э есири,
Мугъум эн дуылтуу э дуылгъойму расири.

ДУЫЛ ЭН ШОГЬИР — ХОНЕНДЕ

Эри Владимир Высоцкий

У хунденге мэгІнире, сохденбу хъэрой,
Чүнки дуыл э сине нис доренбу гъэрол.
Хъол дуныёгъ: селт гІузет ю ве биёбури
Э фиренгъуне дуыл эн шогьир дебири.

Вэхувшдебу гъэлхэнд софе зиндегуни
Э гъэршуй фитнегъо, э гъэршуй дургуни.
Дуыл мэгІнире михунд, увэхди гъебирден,
Чүн симгъо, мижуьмусдугаа эн
герден.

Лов бисдо, тегъер сим, дуыл шогьир, дуыл эн
пок.

Лоигъменд у дарафд э гъэриш нерме хок.
Динжи изму гитара, тегъер хоненде.
НэгІ. Дургунум... Рачи не поки нис мульде.

СОГЬБОШИ ЭН ПРИРОДА

Эри Михаил Пришвин

Э ме дор вохурди, эз сутун эн коми
Хуб мэгІлуум бисдо эй ме чигърет одоми.
Ме мэхътел бисдорум э и зурбое кор,
Тигъэтлую денишируум э мульхъкеме дор.

Диедтеш ме бисдорум мэхътел э гъисмет,
Ки Пришвине шиңоходдум эз софе чигърет.

Түй лап дузи, природа, — у түре хосди,
Түьки эй ю норей чигърет ёровурди.

КУЛОҚ САДСАЛИГЬО

Эри күкме

Кулок садсалигъо нисд овоме вор-вори.
Кулок садсалигъо нисд зулумкоре туфон.
Кулок садсалигъо гъер вэхд кумеки эри
Э рэхъ дерультгъо желдгъо — Одиссей ве Язон.

Кулок садсалыгъо гъемише мигердуу
Сипре тэхъное елкене, коми мимуну
Э нум Лермонтевоз гъер вэхд э дуьнъёгъ
зинде!..

Ведара түш э рэхь эри софе нум гышде.

РАНЖБЕР

Эри лелей Юно

Зу ээ сегьери тув э рэхь дери,
Чүнки лап гузети гээзизе хори.
Гыисди тув эну селт лоиггэ кук —
Уре тув гээзиз сохдени гъуллугъ.

Э рузгъой верфи ве гъизгъин герми
Оморени туть э гъэд эн зими.
Сипре паргъой верф э сертуу нуьшдет,
Нисе оффоренуыт эз муйгъойтуу селт.

Очугъэ сифет дорени товуш,
Е чуькле чуьшме бири эйме уш.

Суьрхине десгъо бирет деш мухъкем,
Эз гээрэй эн хэлгъ мегердош гыч кем.

Герме нун дире э сер эн сувре,
Эй туй согъбоши эдем фуурсоре.
Гыч жофойтуре фурмуш нисохум,
Э товун туй гье мэгИни михунум.

У сувмбуулье ме те арт эн гэвч
Э мерж шогъири мисохум гүүндууль!

БИЕ, ЭШГЪ

Биё, биё, эшгъ,
Туй э дуул диро,
Лепууль фикиргъо
Эз дуул ведиров.
Эз гээриш эн су
Не поисдени
Ведировт ризгъо,
Чаруут э мэгИни.

Гыисдуме тусуульз,
Чуун симсуульз саз,
Пуч биренигъо
Э неогъ, эй хъэз.
Биё, биё, зу,
Дуулмэ бири пур,
Ме тусуульз, жон эшгъ,
Лолум, кар не кур.

Медениш э руз,
Медениш э шев,
Биё, эшгъ, э дуул
Туй товуш деше.

Эри хъэротгъо
Дуль товуш дульгу,
Чүн дуль Данко, у
Бергулу бугу!

ХОРИ—ДЕДЕ

Э дультуу деге дерд,
Гээрс пуриге чумгъо
Ве эгенер мульбет
Бириге бейбофо,
Э кин хори—деде
Туль гъуз бош, моч сох уре,
Гу дерде э деде:
У миофу чорере.

Эгер тууре беди
Венгесдиге э рэхь,
Эгер кумек нисди
Тууре ээ дусд, хъэрмэхь,
Э кин хори—деде
Туль гъуз бош, моч сох уре,
Гу дерде э деде:
У миофу чорере.

Эгер гъуш эн мозол
Диромоге э дес,
Гене тууре огол
Мизенум, сохде сес:
Э кин хори—деде
Туль гъуз бош, моч сох уре,
Гу: согъ боши, дедей,
Туль оффей чорере.

ДУЛЬ

Дульме, э чуьревоз сохум ме туыре бемзер?
Э дөгъгоревоз кумек биретгъо э кемер
Тэхьное сүмүргүш ве гюжизе жайрон,
Э кемер бульдуярчин ве корсохе инсон?

Дульме, э чуьревоз сохум ме туыре бемзер?
Э дерье-ревоз, комики мунди бихэбер
Э гъэриш садсалгъо эзу сэхде сургъо,
Селт ошгор не бире, гье э ю деруягъо?

Дульме, э чуьревоз сохум ме туыре бемзер?
Э дульнёревоз, гысдигъо эз гъемме зевер,
Э комики тэхьли-ширини бенд бирет
Ве женг де эри эн дузи ве мульбет?

Дульме, э чуьревоз сохум ме туыре бемзер?

РЭХЬ Э КИН АЗАДИ

Эз сангъгой диворгьойтуу, Нарынгъэле,
Гуль, савзе вероморе!
Изму гене э кин энугъо оморе,
Э фикир шогьири офордем.

Э гъэриш диворгьойтуу, Нарынгъэле,
Э вэгидой эн бирэхьме шогъгъо
Гювунсууз дешенде оморет дусдогъгъо—
Гэилгъо, жовангъо, огыилгъо.

Э гъэриш диворгьойтуу, Нарынгъэле,
Чук-чукки азадире соходит.
Унжиге лоигълуву ношуморе дорет
Ве, гъелбет, те эхир не муьрдет.

Оморени эри ме: азадихогъгьо
Чаруьсдет э савзе, э гульгьо.
Лов сохде диворгьоре, ведироморет,
Азадире эхирки офтет!

ЭШКУНОВОЕ СОНЕТ

Дерсгью бирмундет: торих
Муьхькем поисди э тих.

Эйшму, сенигIэткоргьо,
Гешденитгьо руйпэхьни,
Э хотур сохде коргьо
Шогьир нувуьсди мэгIини.

Бруно, Лазо ве чендгьо,
Селт сегымсувз сухундейтгьо,
Киров, Рыков, кувшдейтгьо,
Фурмуш нибошут, эслогь.

Эй сохде нэгIетигьо
Э гъэршуй эн инсонет
Гъобул сохит, жоллодгьо,
Эшкуновое сонет.

ЭЛЕГИЕЙ ПОИЗИ

Э богъчей шегьеर
Мере гьисд дусдгьо —
Гъульдуре бала,
Муьхькеме доргьо.

Э кин энугьо
Өморе сэгIэт,

Сохденуыт гъер руз
Тозе меслэхъэт.

Шиниренуым ме,
Тигъэт гуш дошде,
Гогь тэхъле гирье,
Гогь шэгъгъэй хэнде.

Гогь сэхде хъэрой,
Гогь гуш-гушигъо,
Гогь тэгІрифигъо,
Гогь серкушигъо.

Гогь ихдилотгъо
Э товун мульбет,
Гогь шулькеетгъо
Э товун гъисмет.

Оммо имбуруз
Рихундуыт угъо,
Э тегъер гІэрсгъо,
Сульпенже ведггъо.

Э сер леш дорле,
Комире бурри
Е вэхьши ве зу
Оворе бири.

НУЬКЕРЕ

Э нединже нарине ухшеш зере,
Мугуиге эз сер душ пилоконгъо,
Суьрт рафдени эз догъ, дохьор нулькере,
Гыч э дуыл ю терс недери, неде—огъ.

Э ёнгьюю, э хьисоб, э томоше
Тигъэтлуве доргъо, шивгъо поисдет.
Мугум э дуyl: ухшешини эз више
Кура бире, э инжиге оморет.

Эз сес велгъо ме эдем варасире:
«Пой туьш екем э кин эни нулькере.
Увэхд э сур тув мидани расире,
Эйчуй иму э инжиге оморейм».

Гъэл дешенде э герден эн гъовогъдор,
Меш дарафдум э гъэриш эни кифлет.
Гуш венорум, сохдум ме э дуyl ошгор:
Нулькерере эй рэхь сохде оморет.

Ме данульсдум, ки и желде нулькере
Нисди нединж, у эдей тэгIди сохде,
Шинире, ки гIов кем мунди Қаспире,
Эри эну эз гIов хувьшде эй берде.

* * *

Данульсденум: гъисд езугъ у одоми,
Ки эз деде кур э гIульом омори.
Гье воисдгеш у езугъэ винире,
У нидануь руй васале гъич дире.

Данульсденум: гъисд езугъ у одоми,
Ки эз деде кар э гIульом омори.
Э саз ошугъ чендгъэдер денишире,
У нидануь гъич мэгIинире шинире.

Офдорени е вэхд э дуyl чук-чуьки,
Эйчуй эхи кур не кар небиреки,

Раче рангъой эн васале фегъм сохде,
Кими инсон у рачире нис дире,
Э овозей софе мэгІни гуш дошде,
Тегъер эн кар, уре нис варасире?

ШОГЬИРИ

Руз эн поизи. Э дульме васал
Эдее бегъер доре.
Эдем шиниренуым: э буниму сайл
Эдей ногъоре зере.

Э дульме дери мугъум ногъоре,
Оморум ме күнд эз стол.
Темизи когъоз. Ухшеш у зере
Э хувьшге гловсузье чол.

Э чендгъэдер вэхд пур мубу ми чолме?
Эдете рихде гоффю,
Тейте э чол дарафде, э дульме
Палаш мибошут угъо.

* * *

*«Гъэлем хуб нис нувьувьсде, нувьувьсдегор
э мерекемдеки не декуьрдгэ екем семе эз
хун хувьшде».*

В. Одоевский

Бувьузург гердо э мэгІни гъирмизине ранг!
Эловгъой эн гэтош, э гоффю деригъо!
МэгІнигъо мибисдоруыт, чуюн дульсузье сангъ,
Эгер нидебисдо хун иму э угъо.

Инжиге э гьер гоф хунме, жунме дери.
Э тегъер эн зиндеи мутьбетлүье гоф.
Севгили, инжиге шекуыл дульме вери,
Сес эн дульме дери, гофе хун ве шинов.

Гоф, келме, риз не бенд э мэгИни деруутгъю,
Зигьисденуыт э дульме, чүн түй, гІэзизи.
Тевэгъэ сохденуым: гуш вени э угъю,
Энжэгъ умэхъэли мере мивааси.

САБУР

Сабуре эри ме кумек сэхд гирде
Ве тэхъле гІэрсгъоймере гье фуберде,
(Шевгъойме дураз лап, рузгъойме — кутэхъ),
Эхирки расируым э товуше рэхъ.

Сабур гъувотлуюни, тегъер пегъливу.
Эз ченд боле мере хилос сохи у!
Негъогъэ хъуршгъоре эз ме дур сохи,
Эз гІов не гІэтош мере гировунди.

Ошгор бири эй ме жилгъэй шогъиргъю.
Ме сестульнуым, хэлгъиме, э келе дульнёёгъ.
Гыч гофе вор нидум: те арт эн гІумуыр
Кумекме мубу гъинорменде сабур!

РУЗГЬО

Рузгъой шори, сипре рузгъо,
МигИид хэлгъи, гІэруьсигъо...
Дульхошинит эй инсонгъо,
Эйшму дульме гъисди хъэрзо.

Рузгъой эн дерд, сие рузгъо:
Ёс, чукчукчики, дульесдигъо...
Гысдит юк эн Гульмуър иму,
Селт хэберсувьз миёйт ишму.

Ранг хокистер, руз бийгюри,
Э туть неде беди, шори.
Эз туть, дульсувьзе невое,
Гье хъэрекетуюм дур бире.

* * *

Чуьтам э зир жилид, деръёгъ
Вэхд зимисду зигъисдеге,
Чуьтам э гъэршуй дердгъо
Дуль эн инсон борж бердеге,

Э у тегъер гуль—беневше
Э зир эн верф зигъисдени,
Вероморе, у гъемише
Эйму шори овурдени.

Э ён дедей, эн мулькуллув
Вероморем, чуын беневше.
Ме мибошум чорей эну,
Товуш чумгъюю гъемише.

ВЭХД

Ченdboш, ченdboш! Э ме дерд гъисмет бири.
Ярай беди дулье зэхъметгъо дори.
Сабур сохдем: ужуур мэхъэл омори —
Тегъер мэлхъэм э дуль расири шори.

Варасирэм: вэхд э гъуш ухшеш зере.
Пар зерени, дусде хуно, оморе.
Е гъэнет ю гэргэймуре покурде,
Екиге шори, никире овурде.

* * *

Ченд шевгьо эз шевгьо, ченд рузгьо эз рузгьо
Эз гуьмьуьртүү рафдет пуч ве гъэдерсувьзгьо!
Софе нум не гышде, (дие чуьни мирод?)
Эз гуьлом селт мурай түү, тембел — немирод.

Лап кутэхьи гуьмуыр тембели эй сохде!
Э тегьеэр дэгъдэгъэ гирошдени вэгидо
Эз э пой вэхүшде, дес дедере гирде,
Те эз пой оффорде э гъэлгьой овлодгьо.

ГУЬЗЕЛ

Кук: Е дэгъдэгъэ пой, э ме гу
Нумтуре, гульзел.

Эйчуй туьре ме э инжо
Не дирэм гъезел.

Духдер: Нуммере пуьрсиреки, түү
Жугъобе дорей.

Э ме омбар вохурдей түү,
Мере не дирей.

Кук: Дери ми, Гульзел, э дуьлтуу,
Чуын ёр, софе кук.
Киниге у, түү эри ме
Сох ёгъян очугъ.

Духдер: Комини жовон э дуьлме
Деге, мидани.
Дениш түү хуб э чумгьойме —

Унжо мивини.
Кук: Огы! Дирирум! Варасирум!
Де эйчуй мэхътел
Мере гьишде, туть вирихди,
Гузеле Гузел?

ЮМОР ВЕ ЭРИ ГІЭИЛГЬО

ТЭХСИРКОР

Мегешдит, сохде сирогъ,
Бири не бири билогъ.
МуыгIуюжузи, муыгIуюжузв —
Бири не бири билогъ.

У тилисиме билогъ.
Поисди э гъугъ эн догъ.
МуыгIуюжузи, муыгIуюжузв —
Поисди э гъугъ эн догъ.

Е руз инжиге омо
Десдей хъэйву веромо.
МуыгIуюжузи, муыгIуюжузв —
Десдей хъэйву веромо.

Э билогъ раси дес шир:
Тигы бисдо герме шир.
МуыгIуюжузи, муыгIуюжузв —
Тигы бисдо герме шир.

Расиренгэ дес эн хуг,
Шириш чаруьсд рафд э дугъ.
МуыгIуюжузи, муыгIуюжузв —
Шириш чаруьсд рафд э дугъ.

Нульшд э сер билогъ гъилогъ,
Милов омо эз билогъ.
Мульгүйжүэзи, мульгүйжүэз —
Милов омо эз билогъ.

Дес зеренге кергкуыи,
Омо гіов бисдо тигыи.
Мульгүйжүэзи, мульгүйжүэз —
Омо гіов бисдо тигыи.

Гүрг тешнеи, нисди тоб:
Эз билогъ омо шороб!
Мульгүйжүэзи, мульгүйжүэз —
Эз билогъ омо шороб!

Сохдуть хъэйвугъо шори:
Чуь хуб! Шороб омори!
Мульгүйжүэзи, мульгүйжүэз—
Чуь хуб! Шороб омори!

Хурдуть гъеммешу ичку,
Бисдордуть сово-сечку.
Мульгүйжүэзи, мульгүйжүэз —
Бисдордуть сово-сечку.

Гье хурдендүт, гье хосде,
Билогъ бисдо хуьрд-хэсде.
Мульгүйжүэзи, мульгүйжүэз —
Билогъ бисдо хуьрд-хэсде.

— Гье, хуьрд соходит! — сес сохд шир. —
Дие ниёв герме шир!
— Вой-хъэрой — божэхъ зе хуг,—
Шириш ничарув э дугъ.

Сохд чумечару гъилогъ:
— Милов ниёв эз билогъ!

Кергкуыи фугъунд, фугъунд,
Э жигелей хульше мунд.
Гуьрге фил эз ехэ гуьрд:
Инжо тээхсиркори гуьрг!
Гуьрг сэхд пиён эз шороб
Доре недануьсд жугъоб.
Гьемме бисдо олхогъин,
Чуынки офф омо «хогъин».
Доре омо дивун гуьрг,
Гуьрг бисдо сер, герде хуьрд.
Нифри сохде: «Филон-догъ»,—
Фураморуыт эз гъугъ догъ
Сэхд пиёне хъэйвугъо.
Эз гээрэ ведарафдгъо,
Гуьрг мунд э ён эн билогъ,
Коми гене бисдо согъ.

Е гоф дургу, е гоф расд,
Овосунейме варасд.
Дур эз ижире коргъо.
Согъбоши, хундегоргъо,
Зигъисде э ~~и~~шори,
Виноши ники, шори!

КАЛАМБУРГЬО

Н а з у

Гушд хурдеи эй назу изму нэгъде кор.
Сес мушгъо э у дие нисе сохде кор.

Х э р

Ченд шелегъош кеширенуьм,—шулькеет сохд
хэр,—
Гене ме гье нехьисобуьм э тегъер эн хэр.

Гъэжгъу

Хъол гъэжгъу лап хуши, дери у э кеф,
Ненге э ловгью нивебисдо кеф.

Биразие кинле

Инсоне эй герм сохде сохденуым чушь ме,
Оммо генеш зиёди хъурмет эн чушьме.

Зимингез

Номус, дузи, дусди,—мигуфди омбар,
Ю оммо мигези э тегье эн мар.

Хуре

Чуьтам хунчай холинчере хурдеге хуре,
Берекет кифлетеши гъечув хурденбу хуре.

«Бирор»

Десе мизе э бирори
Эй ю чэм-чи биёри.

Хэрегуш не гуш

Нум хъэйвуре лап нэгьогъ норет хэрегуш,
Мереш у нум дорд доре, шулькеет сохд Гуш.

СҮҮФДЕИ РУЗ АПРЕЛЬ

Е мульгуульжув имбууз бегьем бири!
Гюшир бире, келегед сергъуз бири.
Зимингезки марьети гыч не сохди,
Зугъун ширин, гэмел ю бед не бири.

Гье имбууз жуьгъ эн хэр зиёд бири,
Хэр гиригэ диндине не вешенди.
Екиш уре э сер куьрпи не зери,
Чуьнки дерму э гоф эн хэр дебири.

Е игидиш эз дес гүожиз не мульди.
Эз гъэд хое женгесур муй не гешди.
Не хэбербер не хунки женг не сохди,
Дуьзд вэхувьшде хонохоре не гирди.

Тозе гофи, хьовиргъойме, гуш дорит,
Ве имбурууз овом, недан мебошиш.

ЧОР ВЭХД ЭН САЛ

Гу эри ме, бебе,
Ини верф омори,
У эйчуй и ченд руз
Вомунди э хори?

— Мундетгъо эз довгю
Ярагъой эн хори,
Гъеле гъониш, бала,
Бегъем хос не бири.
Эй эну ярагъо
Верф бирени мэлхъэм,
Те гъувот деригъо
Нис бирени у хъэл.

— Э бебе, жон бебе,
И гювгъой эн ярхъю
Эй ме лап бемзерлув
Оморе э гэрсгъо...

Э и руз васали
Тэхъле ёр эн хори
Гене, гъелбет, э кор,
Жон бала, омори.
Гирилдени хори
Эй желде овлодгъо,

Комигъоки мундет
Э чулгъой эн довгІо.

— Гьери изму, бебе,
Дениш хуб э хори.
Э кими жигегъо
Эхи чэх у бири?

Гуфдирем ме э туль,
Жон балайме, ченdbo:
Яралуьни хори,
Яралуьни зурбо.
Э и руз эн гъоми
Лап тешней хори.
Лов-лэгІэю хульши
Эз хъолсувзи зери.

— И кубуте думон
Вохурденге э чум,
Терс э дульме, бебе,
Офдорени эйчуй?

— Э дурей эн довгІо
Лап ухшеш у зере,
Терс э дультуль, бала,
Эзу офдоре.
Бош, гІэилме, келе,
Туль гъэлхэнд мипои
Де гъич небу довгІо,
Бегъем хос бу хори!

ЭРИ ЧУЬКЛЕ КУКЛЕ

Менг дегирде зерде дульгуль,
Эдее товуш доре.
Чумлэгъойтуль, бала, чуын дуль гуль,
Тейте себэхь сэхд бире.

Мере дульхон соходит. Хис ивэхд
Э гъэл эн ширине хов.
Гъутингьойтуу э гъенг эн бэхд
Эдете доренуут тов.

Хис, жон бала, гьеlee мидани,
Ки гъисд э дульньёгь гъовхо:
Деруут э женг гъушун Зобуни
Ве лешгер Шолумихогь.

Хис, тейте туль бире гъовхобер
Гъэлхэнд мипоим иму...
Туль чульме мисоху хэбер —
Медаль темизе асму.

ШУМОРУШИГЬО

1

Еки, дульдүү, сесе, чор
Яшке овурд е гъэчор.
Шуморденге пенж не шеш,
Кура бисдо хэйли беш.
Гьетте расире те сигь,
Гэтош луyp зе дегеси.
Шуморденге чуль, пенжогь,
Вэхд буржуундei омо.
Кумеки сох э Яшке
Эй буржуунде картушке.
Те сурои михури,
Эй дусдгьойтуш миёри.

2

Еки, дульдүү, пенж ве дэгь
Сер гирдейм эй шуморде.

Ебо шуморди Илдод,
Песде шуморди Ифрод.
Шуморденге те гъеждегь,
Вэхд омо эй вирихде.
Ме вирихдум, туть мундей
Ве гъелбетте домундей!

3

Пенж салеи Тирисо.
Хьюофд салеи ГЭмесо.
Ченд салеиге Ешор
Зу эриму сох ошгор.

4

Текъо

Еки, сесе, пенж ве хофд
Мере гешдүйт, туыре офд.
Ме вирихдум гъебирден,
Эй гирде домунд Нетен.

5

Жуъфдъо

Киришеи кирише.
Ухшенини э шише.
Э сер сувруьте жилид
Жегъисдени селт игид.
Дульдуу, чор,
Шеш, хъэшд ве дегь
Бурайт зу эй жегъисде,

Дегъго

Келе зене диреки,
 Рафдум, сохдум кумеки.
 Шелегьоре вегирде,
 Те хунею ме бердем.
 Мугу: «Согъбоши, бала,
 Мибоши туль сад сала».
 Оммо энжэгъ тейте дегъ
 Дануьсденум шуморде.
 Ченгъэдери сад, дусдгъо?
 Гуит зу гьеरки бисдо!
 «Дегъ, бисд, сигъ, чуль, пенжогъ, шасд
 Песг хьофдод, хьэшдод, навад
 Эз навад бэгъдои сад».

Түр

Тупе ~~Э~~дес
 Гирди э дес.
 Тупе вешенд,
 Дэгъэл дешенд.
 Офдориге туп э хори,
 Эй вирихде вэхд омори.
 Ки эз гьемме пес мунди,
 У — домунди!

Чигъо

Еки—ейлугъ,
 Дульду—душлугъ,
 Сесе—сурке,

Чор—чороке,
Пенж—параход,
Шеш—шогъбалуд,
Хьофд—хьофдофо,
Хъэшд—хъэливо,
Нульг—нимпалту,
Дегь—деспоку.
Дир не сохде,
Гу, чув вихде?

9

СенигІэтгъо

Мугуфди дедей Ругъо:
«Мере гъисдуть дегь кукгъо —
Еки: Тэнхум—сиротчи,
Дульдур: Нэхум — демуярчи,
Сесе: Шолум—сэгІэтчи,
Чор: Овшолум—нэхирчи,
Пенж: Мухоил—пинечи,
Шеш: Шомоил—шишечи,
Хьофд: Гъемиил—бисдончи,
Хъэшд: Эриил—тукончи,
Нульг: Гэсоил—хэрекчи,
Дегь: Разиил—гъэлайчи.
Гъисдуть кумек бебегъо
Гъелбет, кукгъой энугъо:
Ливи, Севи,
Рашми, Шими,
Миши, Раши,
Хъизгъил, Сидгъил,
Гылил, Геврил,
Гээмил, Гъэдмил,
Сиин, Рувин,
Иси, Ирсил,

Писэхъ, Нуувэхъ,
Донил, Эвнил,
Хьиё, Дивьё,
Ешор, Овшор,
ЮшвэгI, ЯдагI,
Синке, Бинке,
Ишай, Хъульшай,
Сегъльум, Гууршум.
Песде эз кукгъой кукгъо
Гене мубу кумекъо.

ГОФ МЕРДИ

СэгIэт пенж себэхъунде
Ме, эз хов зу вехуьшде,
Рафдум нуьшд э сер куьрси.
Хуьшдере куьшде-куьшде
Ве «элле» сохде-сохде,
ГIэмейму омо раси.

Мугу: «Воейме, Иси!
И чуь кор туть не хиси?
Белкем эз хов терсирей?
Элле, дуыл гIэиле берд!
Гъеммей эни зерди, зерд!
Инжо биёт—огь! Э дей!»

Те ме е гоф гуфдире,
Келедедей оморе,
Хъэрой дещенд: «Вой, омон!
Худо зере сер эн ме!
ГIэил гирди гъульздуурме.
Инжо биё зу, Томор!»

Дедеймуш омо раси:
«Гэиллейме, э Иси!
Омо эри ме гэжел?
Туль оффордэй эз куьрси?
Гу, коминжойтуу раси?
Месох мере дердэжер.»

Ивэхд хъэрмэхьме Хульшай
Диромо: «Туль вэхуьшдэй
Ве нульшдэй э сер куьрси?!
Доре гофе туль гирдэй,
Бэхьс имуре туль бердэй.
Гъелбет, мерди туль—Иси!»

С Е Р Н О М Е

Пушойгофи	3
-----------------	---

ЛИРИКА

Эри хэлгъме	5
Чешме	5
Э сэгнэй гьемиши	6
Имид	7
Мугъум эн дуль	7
Дуль эн шогъир—хоненде	8
Согъбоши эн природа	8
Кулок садсалигъо	9
Ранжбер	9
Биё, эшгъ	10
Хори—деде	11
Дуль	11
Рэхь э кин азади	12
Эшкуновое сонет	13
Элегией поизи	13
Нүүкере	14
«Дануьсденуьм»	15
Шогъири	16
«Бузуург гердо»	16
Сабур	17
Рузгъо	17
«Чуьтам э зир жилид дерьёгь»	18
Бэхд	18

«Чөнд шөвгьө эз шөвгьө»	19
Гүзэл	19

ЮМОР ВЕ ЭРИ ГЭИЛГЬО

Тэхсиркор	21
Каламбургьо	23
Сүйфдэи руз апрель	24
Чор вэхд эн сал	25
Эри чүйкле кукле	26
Шуморушигьо	27
Гоф мерди	31

Борис Михайлович Ханукаев

НАДЕЖДА

На татском языке

Редактор **Х. Авшалумов**

Художник **И. Задера**

Худож. редактор **В. Арьков**

Техн. редактор **В. Гаджиева**

Корректор **Ю. Бахшиева**

ИБ 2061

Сдано в набор 28. 11. 88. Подписано в печать 20. 02. 89. Формат 70x90¹/₃₂. Бумага тип. № 2. Гарнитура «Литературная». Печать высокая. Усл. печ. л. 1,17. Усл. кр. от. 1,34. Уч.-изд. л. 1,19. Тираж 500. Заказ 2470. Цена 10 коп.

Дагестанское книжное издательство
Государственного комитета Дагестанской
АССР по делам издательств, полиграфии
и книжной торговли
367025, Махачкала, ул. Пушкина, 6

Типография им. С. М. Кирова
Государственного комитета Дагестанской
АССР по делам издательств, полиграфии
и книжной торговли
367025, Махачкала, ул. Маркова, 51



10 к.



НАДЕЖДА

На тайском языке